



"AGENCIJA ZA VODNO PODRUČJE RIJEKE SAVE"
SARAJEVO

"SAVA RIVER WATERSHED AGENCY"
SARAJEVO

Adresa: Ul. Hamdije Čemerlića 39a
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-1-40-305-5/23

Datum: 23.08.2023. godine

„Agencija za vodno područje rijeke Save“ Sarajevo rješavajući po zahtjevu „Adriatic Metals BH“ d.o.o. Vareš za izdavanje prethodne vodne saglasnosti u svrhu izrade projektne dokumentacije za realizaciju projekta izgradnje odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 935, 936, 937, 938/1, 938/2, 939, 940, 933, 1023/1, 1032, K.O. Pržići na osnovu člana 109. stav (1) tačka 11. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), donosi:

RJEŠENJE

o prethodnoj vodnoj saglasnosti

1. Podnosiocu zahtjeva „Adriatic Metals BH“ d.o.o. Vareš daje se prethodna vodna saglasnost u svrhu izrade projektne dokumentacije za realizaciju projekta izgradnje odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 935, 936, 937, 938/1, 938/2, 939, 940, 933, 1023/1, 1032, K.O. Pržići, a u postupku pribavljanja urbanističke saglasnosti i okolinske dozvole.
2. Prethodna vodna saglasnost izdaje se na određeno vrijeme, sa rokom važenja od tri godine od dana njene pravosnažnosti.
3. Prethodnom vodnom saglasnošću se utvrđuju uslovi za izradu projektne dokumentacije za aktivnosti iz tačke 1. dispozitiva, kako slijedi:
 - 3.1. Od strane pravne osobe ovlaštene od strane Federalnog ministarstva poljoprivrede, vodoprivrede i šumarstva FBiH, za dio snabdijevanja sanitarnom vodom, te odvodnje i tretmana svih otpadnih voda, izraditi projektnu dokumentaciju na nivou glavnog projekta u skladu sa posebnim propisima koji između ostalog treba sadržavati:
 - Pored geološkog, geomehaničkog, građevinskog, tehnološkog, mašinskog, elektro i ostalih dijelova koji glavni projekat treba sadržavati u skladu sa posebnim propisima, glavnim projektom treba obraditi i kompletan proračun bilansa voda (uključujući sve oborinske vode, procjedne vode, evaporaciju i dr.), količinu i sastav očekivanih procjednih voda, način ispumpavanja efluenta iz lagune, transport do postrojenja, sistem kontrole vlage u deponiji (sistem recirkulacije), način ucjevljenja Bukovog potoka i mjesto ispusta u otvoreni tok nizvodno od deponije i dr.
 - Projektom dokumentacijom posebno obraditi mjesto izgradnje glavnog vodosabirnog bazena-lagune uključujući i izgradnju pratećih objekata i sadržaja.
 - Projektom dokumentacijom posebno obraditi sistem obloge tijela deponije u cilju prikupljanja procjeda podzemnih voda i njihovo kanisanje kroz drenažnu površinu do dna doline i van kroz odvodnu cijev kroz podnožje nasipa. HDPE obloga treba biti postavljena preko vrha drenažnog sloja kako bi se spriječilo da jalovina dođe u dodir sa sistemom odvodnje.
 - Analizu i drugih mogućih uticaja na prostor na kome će se vršiti odlaganje i objekata koji će biti u sklopu te aktivnosti izgrađeni, a u funkciji su eliminiranja negativnih uticaja na površinske i podzemne vode.

- 3.2. Nakon izrade projektne dokumentacije potrebno je izvršiti njenu reviziju u skladu sa posebnim propisima.
- 3.3. Zabranjeno je ispuštanje neprečišćenih otpadnih voda i procjednih voda iz odlagališta flotacijske jalovine u okoliš bez prethodnog prečišćavanja.
- 3.4. Tijelo odlagališta flotacijske jalovine (podloga i bočne strane) mora biti potpuno vodonepropusno.
- 3.5. Tijelo odlagališta flotacijske jalovine treba imati sistem drenaže i sakupljanja procjedne vode u lagunu koja će se ispumpavati i efluent vraćati natrag u pogon za preradu ili se koristiti za suzbijanje prašine i kontrolu vlage u jalovini, tj. djelimični povrat efluenta na odlagalište.
- 3.6. Ovisno o konfiguraciji terena i konačnog projektnog rješenja odlagališta flotacijske jalovine potrebno je predvidjeti izgradnju drenažnog sistema za prikupljanje oborinskih voda oko odlagališta, sa taložnikom za krute tvari i oknom za uzimanje uzoraka, a sve sa ciljem sprječavanja doticanja vanjskih voda.
- 3.7. Izrada projektne dokumentacije treba biti usklađena sa važećom prostorno - planskom dokumentacijom i razvojnim planovima općine Vareš.
- 3.8. Da se u okviru projektnog rješenja primjene tehničko-tehnološke mjere koje će spriječiti kontaminaciju voda, tla i zraka, tj. da se projektovani radovi i aktivnosti na izgradnji odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 935, 936, 937, 938/1, 938/2, 939, 940, 933, 1023/1, 1032 K.O. Pržići (prostora) usklade sa principima, propisima i standardima EU, te sa propisima i zakonima BiH tj. Federacije BiH prema principima savremene multibarijerske zaštite.
- 3.9. Projektnom dokumentacijom jasno definisati položaj objekta u odnosu na obližnje vodotoke, te sagledati sve moguće neželjene uticaje, kako na planirani objekat tako i planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za otklanjanje odnosno sprječavanje tih uticaja.
- 3.10. Projektnom dokumentacijom definisati da se opasni materijal i otpad ne smiju ni privremeno odlagati na česticu „vodno dobro“, odnosno u vodotoke i na njegove obale.
- 3.11. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko - ekonomskih zahtjeva.
- 3.12. Investiciono-tehnička dokumentacija za pribavljanje vodne saglasnosti mora biti urađena na nivou projekta za pribavljanje odobrenja za građenje i u skladu sa uslovima iz ove prethodne vodne saglasnosti, te uslovima iz okolinske dozvole.
- 3.13. Investitor je dužan kod izrade tehničke dokumentacije predvidjeti odgovarajuće mjere da predmetnom aktivnošću, za koje se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.
4. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za izgradnju lokalne/pristupne saobraćajnice i eventualno drugih aktivnosti koje se planiraju izvoditi na predmetnom lokalitetu, a koje su navedene u članu 17. stav (2) Pravilnika o sadržaju, obliku, uvjetima načinu izdavanja i čuvanja vodnih akata („Sl. novine Federacije BiH“ broj: 31/15, 55/19, 41/20, 63/22), a za čije izdavanje je nadležno Ministarstvo poljoprivrede, šumarstva i vodoprivrede Zeničko-dobojskog kantona.
5. Po izradi investiciono tehničke dokumentacije, u skladu sa uslovima iz dispozitiva ovog rješenja i stručnoj reviziji iste, korisnik prethodne vodne saglasnosti dužan je, da ovoj Agenciji podnese zahtjev za izdavanje Rješenje o vodnoj saglasnosti na projektnu dokumentaciju za izgradnju odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 935, 936, 937, 938/1, 938/2, 939, 940, 933, 1023/1, 1032, K.O. Pržići, a u skladu sa važećom regulativom FBiH.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.
- Uz zahtjev se prilaže:
- Revidovana Investiciono tehnička dokumentacija za izgradnju odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj:

935, 936, 937, 938/1, 938/2, 939, 940, 933, 1023/1, 1032, K.O. Pržići, urađena u skladu sa uslovima iz ovog Rješenja,

- Rješenje o urbanističkoj saglasnosti za izgradnje odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 935, 936, 937, 938/1, 938/2, 939, 940, 933, 1023/1, 1032, K.O. Pržići.
 - Okolinsku dozvolu izdatu od strane nadležnog organa,
 - Dokaz o uplati administrativne takse u iznosu od 60,00 KM, a prije izdavanja odobrenja za građenje.
7. Ova prethodna vodna saglasnost prestaje važiti nakon isteka roka od tri godine od dana njene pravosnažnosti ukoliko u tom roku ne bude podnesen zahtjev za izdavanje vodne saglasnosti, a ista se može izmijeniti u zakonom propisanim slučajevima.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

Obrazloženje

„Adriatic Metals BH“ d.o.o. Vareš dana 25.07.2023. godine podnio je ovoj Agenciji zahtjev za izdavanje prethodne vodne saglasnosti u svrhu izrade projektne dokumentacije za realizaciju projekta izgradnje odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 935, 936, 937, 938/1, 938/2, 939, 940, 933, 1023/1, 1032, K.O. Pržići u postupku pribavljanja urbanističke saglasnosti i okolinske dozvole.

U provedenom postupku dostavljena je i pregledana slijedeća dokumentacija:

A. Opšta dokumentacija:

- Rješenje o izmjenama podataka, broj:043-0-Reg-23-000348 od 03.04.2023. godine izdato od strane Općinskog suda u Zenici – ovjerena kopija,
- Uvjerjenje o registraciji poreznog obveznika izdato od strane Kantonalnog poreznog ureda u Zenici - ovjerena kopija,
- Uvjerjenje o registraciji/upisu u Jedinstveni registar obveznika neizravnih poreza, broj:04/1-17-1-UPJR/1-2503-2/23 od 14.04.2023. godine izdato od strane Uprave za indirektno-neizravno oporezivanje Banja Luka - ovjerena kopija,
- Ugovor o koncesiji broj:04-18-21389-1/13 od 12.03.2013. godine potpisan sa Ministarstvom za privredu Zeničko-dobojskog kantona - ovjerena kopija,
- Anex I koncesionog ugovora broj:04-18-21389-1/13 od 12.03.2013. godine zaključen 08.10.2013. godine - ovjerena kopija,
- Anex II koncesionog ugovora broj:04-18-21389-1/13 od 12.03.2013. godine zaključen 19.02.2018. godine - ovjerena kopija,
- Anex III koncesionog ugovora broj:04-18-21389-1/13 od 12.03.2013. godine zaključen 14.11.2018. godine sa prilogom - ovjerena kopija,
- Anex IV koncesionog ugovora broj:04-18-21389-1/13 od 12.03.2013. godine zaključen 28.01.2020. godine - ovjerena kopija,
- Anex V koncesionog ugovora broj:04-18-21389-1/13 od 12.03.2013. godine zaključen 03.12.2020. godine - ovjerena kopija,
- Anex VI koncesionog ugovora broj:04-18-21389-1/13 od 12.03.2013. godine zaključen 19.07.2022. godine - ovjerena kopija,
- Rješenje o urbanističkoj saglasnosti, broj:UPI/03-19-2-138/21 od 03.06.2021. godine izdato od strane Federalnog ministarstva prostornog uređenja - ovjerena kopija,
- Rješenje o izmjeni rješenja broj: UPI/03-19-2-81/20 od 14.12.2020. godine izdato od strane Federalnog ministarstva prostornog uređenja - ovjerena kopija,

- Pravosnažno rješenje broj:UPI/03-19-2-81/20 od 17.11.2020. godine izdato od strane Federalnog ministarstva prostornog uređenja - ovjerena kopija,
- Rješenje o izmjeni pravomoćnog rješenja o okolinskoj dozvoli. Broj:UPI 05/2-02-19-5-60/20 sn od 06.09.2022. godine izdato od strane Federalnog ministarstva okoliša i turizma - ovjerena kopija,
- Rješenje broj: UPI 05/2-02-19-5-60/20 SC od 05.02.2021. godine izdato od strane Federalnog ministarstva okoliša i turizma - ovjerena kopija,
- Rješenje broj: UPI 05/2-23-11-195/19 od 20.05.2020. godine izdato od strane Federalnog ministarstva okoliša i turizma - ovjerena kopija,
- Rješenje broj: UPI 05/2-23-11-145/19 SN od 26.11.2019. godine izdato od strane Federalnog ministarstva okoliša i turizma - ovjerena kopija,
- Dokaz o uplati administrativne takse na zahtjev

B. Tehnička dokumentacija:

- Studija uz zahtjev za izdavanje prethodne vodne saglasnosti urađena od strane „Zagrebinspekt“ d.o.o. Mostar, broj:01-15-99-VI/23, lipanj 2023. godine
 Zahtjev je u skladu sa odredbama člana 124. stav (1) Zakona o vodama i člana 21. Pravilnika o sadržaju, obliku, uslovima i načinu izdavanja i čuvanja vodnih akata, bio oglašen dana 27.07.2023. godine na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

Na osnovu uvida u dostavljenu dokumentaciju utvrđeno je slijedeće:

- Lokacija za deponovanje flotacijske jalovine nalazi se neposredno južno od postojenja za preradu rude Veovača, općina Vareš. Planirano je da se nasipanje vrši u 5 faza po 25 m visine, uz dvostrani poprečni nagib gornje površine od 4,00% i jednostrani uzdužni nagib gornje površine od 2,00%. Potrebno je izvršiti preklapanje HDPE folije između svake faze u dužini od 500 m. Deponija je ukupne dužine cca 600 m, a planirano je da se na tu lokaciju trajno odloži cca 2 mil. m³ materijala.
- Drenažni sistem će se razviti preko područja deponije, koji će se sastojati od geosintetičkog drenažnog sloja preko dna doline i stranica postavljenih iznad HDPE folije, razvit će se preko dna akumulacije za prikupljanje i upravljanje bilo kojim curenjem podzemne vode.
- Drenažnim sistemom će se procjedne vode ispuštati u lagunu koja je planirana za izgradnju na dnu deponije. Dospjela voda u laguni će se potisnim cjevovodom vraćati u postojenje za preradu Veovača, te ponovo koristiti u procesu prerade. Tehničko rješenje će se detaljno razraditi na nivou Glavnog projekta.
- Tačnije, planirano je da se ne vrši tretman prikupljenih procjednih voda iz tijela deponije nego da se iste cjevovodom ponovo vraćaju na postrojenje na Veovaču, a jedan dio da se koristi za ovlaživanje tijela deponije. Svako ispuštanje procjednih voda iz lagune u okolni sediment je isključeno.
- Pri izradi projektne dokumentacije posebna pažnja će se posvetiti za pronalaženje tehničkog rješenja za prikupljanje i odvođenje uslovno čistih voda da ne bi narušile stabilnost same deponije (uključujući i zacijevljenje Bukovog potoka) kako prilikom izgradnje, tako i po njenom zatvaranju. Površinske vode koje su prethodno ulazile u Bukov potok (vode sa okolnog područja i padina), skupljat će se unutar zapadnog i istočnog obodnog kanala i ispuštati će se natrag u sliv Bukovog potoka nizvodno od odlagališta. Bukov potok će biti izoliran od deponije jalovine, a prirodni režim toka potoka održavat će se zacijevljenjem potoka i cijev će biti obložena geotekstilom i šljunkom. Ucijevljeni protok proći će ispod deponije jalovine.
- Za presretanje i usmjeravanje čiste površinske vode sa okolnog područja i padina od odlagališta planirana je izgradnja obodnih jaraka po obodu odlagališta u svakoj fazi odlaganja (faze 1 – 5). Vode koje nisu u kontaktu bit će preusmjerene oko objekta i na kraju ispuštene u sliv rijeke Male.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim

vodnim aktom, u tački 3. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje. Na osnovu utvrđenog stanja i provedenog postupka doneseno je rješenje kao u dispozitivu ovog Rješenja.

Uslovi za izdavanje vodne saglasnosti definisani su u tački 4. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

Na osnovu utvrđenog činjeničnog stanja konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, ne izda tražena prethodna vodna saglasnost, pa je shodno odredbama Zakona o vodama i provedbenim propisima donešeno rješenje kao u dispozitivu ovog Rješenja.

Podnosilac zahtjeva je uplatio upravnu taksu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10 i 45/13). Podnosilac zahtjeva je izvršio uplatu po Zaključku broj: UP-1/21-1-40-305-4/23 od 03.08.2023. godine.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr sci. Selma Merdan, dipl.inž.geol.

Po ovlaštenju
Rukovodilac Sektora za izdavanje vodnih akata



Haris Ališehović, dipl. ing. građ.

Dostaviti:

- Adriatic Metals BH d.o.o.
Tisovci bb, 71330 Vareš,
- AVP-ISV -Vodna knjiga,
Sektor 40, arhiva,
- Oglasna ploča-AVP Sava